

**Հաշվարկային դրույքի (ՀԴ) սահմանման, հաշվարկման և փոփոխման կարգի մասին**

**ՀՀ դրամ արժույթով տրամադրվող վարկերի համար**

Հաշվարկային դրույքի (ՀԴ) հաշվարկման հիմք է հանդիսանում 1 տարի ժամկետայնությամբ ՀՀ պետական (գանձապետական) գեղջակտրոնային պարտատոմսերի մինչև մարում եկամտաբերությունը:

ՀՀ պետական (գանձապետական) պարտատոմսերի մինչև մարում եկամտաբերությունների վերաբերյալ տեղեկատվության աղբյուր կարող են հանդիսանալ ՀՀ ԿԲ պաշտոնական կայքի համապատասխան հրապարակումները (եկամտաբերության կոր)՝ հետևյալ հղմամբ՝ <https://www.cba.am/am/SitePages/fmofinancialmarkets.aspx>: Սույն կետում նշված ինտերնետային հղման փոփոխումը որևէ ազդեցություն կամ հետևանք չի կարող ունենալ սույն կետով սահմանված տոկոսադրույքի փոփոխման վրա:

**Հաշվարկային դրույքի փոփոխման ամսաթվերն են յուրաքանչյուր տարվա փետրվարի 1-ը և օգոստոսի 1-ը:**

Փետրվարի 1-ի համար Հաշվարկային դրույքը հաշվարկվում է որպես նախորդ տարվա հուլիսի 1-ից մինչև նախորդ տարվա դեկտեմբեր 31-ը ընկած ժամանակահատվածի համար համապատասխան դրույքների միջին թվաբանականը: Օգոստոսի 1-ի համար Հաշվարկային դրույքը հաշվարկվում է որպես տվյալ տարվա հունվարի 1-ից մինչև տվյալ տարվա հունիսի 30-ը ընկած ժամանակահատվածի համար համապատասխան տոկոսադրույքների միջին թվաբանականը: Ոչ աշխատանքային օրերին միջինի հաշվարկում կրկնվում է նախորդ աշխատանքային օրվա տոկոսադրույքը:

Եթե վերոնշյալ ցուցանիշը դառնում է անհասանելի, և անհնարին է դառնում տոկոսադրույքի սահմանումը հաջորդ ժամանակահատվածի համար, ապա տոկոսադրույքը հաջորդ ժամանակահատվածի համար սահմանվում է՝ հիմք ընդունելով Բանկի կողմից սահմանվող երկրորդային ցուցանիշը:

Երկրորդային ցուցանիշի հաշվարկման հիմք է հանդիսանում ՀՀ ԿԲ կողմից հրապարակված ֆիզիկական անձանցից մինչև 1 տարի ժամկետով (բացառությամբ ցպահանջ ավանդների) ներգրավված ՀՀ դրամով ավանդների տոկոսադրույքները:

Ֆիզիկական անձանցից մինչև 1 տարի ժամկետով (բացառությամբ ցպահանջ ավանդների) ներգրավված ՀՀ դրամով ավանդների տոկոսադրույքների վերաբերյալ տեղեկատվության աղբյուր կարող են հանդիսանալ ՀՀ ԿԲ պաշտոնական կայքի համապատասխան հրապարակումները՝ հետևյալ հղմամբ՝ <https://www.cba.am/am/SitePages/statmonetaryfinancial.aspx>: Սույն կետում նշված ինտերնետային հղման փոփոխումը որևէ ազդեցություն կամ հետևանք չի կարող ունենալ սույն կետով սահմանված տոկոսադրույքի փոփոխման վրա:

**Երկրորդային ցուցանիշի փոփոխման ամսաթվերն են յուրաքանչյուր տարվա փետրվարի 1-ը և օգոստոսի 1-ը:**

Փետրվարի 1-ի համար երկրորդային ցուցանիշը հաշվարկվում է որպես նախորդ տարվա հունիսից մինչև նախորդ տարվա նոյեմբերը ներառյալ ընկած ժամանակահատվածի համար հրապարակված տոկոսադրույքների միջին թվաբանականը:

Օգոստոսի 1-ի համար երկրորդային ցուցանիշը հաշվարկվում է որպես նախորդ տարվա դեկտեմբերից մինչև տվյալ տարվա մայիսը ներառյալ ընկած ժամանակահատվածի համար հրապարակված տոկոսադրույքների միջին թվաբանականը:

Հաշվարկային դրույքի հաշվարկված մեծությունը կլորացվում է մինչև 50 բազիսային կետ (0.5%-ային կետ, օրինակ՝ 5.50%, 6.0%, 6.5%, 7.0% ... և այլն): Կլորացումը կատարվում է ինչպես պայմանագրի կնքման պահին, այնպես էլ վարկի գործողության ընթացքում տոկոսադրույքի բարձրացման կամ նվազեցման դեպքում: